

Astilleros Reunidos ixtea erabaki dutela salatu du enpresa batzordeak


Untziolaren etorkizuna defenditzeko eskatu dio Gasteizko Industria Sailari

Espainiako Industria Ministerioak eta euskal Administrazioak Astilleros Reunidos del Nervion untziola itxi egin nahi dutela salatu zuen atzo bertako enpresa batzordeak. Erabakia datorren asteartean har lezake Madrilen bi administrazioek untziolako zuzendaritzarekin egingo duten bileran.

J. AIARZA / BILBO

Astilleros Reunidos del Nervion untziolako enpresa batzordeak atzo kaleratutako agiri baten bidez esan zuenez, administrazioek untziolari ematen dizkieten dirulaguntzak bertan behera uzten ari dira eta ARNren bideragarritasuna zalantzan jarri dute.

Bilboko untziola pribatu nagusia den honek 1985ean 1.180 langile izatetik 741 izatera pasa zen urte hartako lehen birmoldaketan. Ondoren, enpresak bideragarritasun plan bat egin zuen, Industria Ministerioak onartu zuena eta dirulaguntzak ematea jasotzen zuena. Plan horretatik «langile egokitzapen berri bat



ARN ixteko erabakia hartuta dagoela uste dute sindikatuek.

XOUSE SIMAL

besterik ez da bete eta horren ondorioz beste 207 langile kalean geratu dira». Ondorioz, gaur egun 530 langile besterik ez dauka ARNk.

Bilboko untziola horretako enpresa batzordearen ustez, Ministerioaren jokabide horrek

sektorean lanpostuak murrizteko helburua dauka, Europako Komunitatearen aginduei jarraituz. Hala ere, Eusko Jaurlaritzak eginkizun horretan parte hartzei «ulertezina» dela deritzo enpresa batzordeak, untziolarako legezko dirulaguntzak 1993. ur-

tera bitartekoak baitira.

Egoera hori dela eta, datorren asteartean Madrilen bi administrazioek eta ARNko zuzendaritzak izango duten bileran untziola honen etorkizuna defenditzeko eskatu dio Industria Sailari enpresa batzordeak.

Nerbioiko azken untziola pribatua desagertzeaz

J.A. / BILBO

Astilleros Reunidos de Nervion untziola 1984ean sortu zen, Bilboko hiru konpainiak —Axpe, Astilleros del Cadagua eta Tomas Ruiz de Velasco— bat egitearen ondorioz. Urtebete geroago lanean hasi zen produkzioa Erandion kontzentratuta eta langile gehienak enplegu erregulazioan zeudela.

Untziolak kontratu nagusia SESB ohiarekin lortu zuen 1988an: egurra garraiatzeko zortzi itsasontzi egitea, 20.000 milioi pezetako kontratua. Hala ere, enpresaren egoera hobetu beharrean okertu egin zuen horrek, alde batetik untzien balioa (2.250 milioi bakoitzak) produkzio kostua betetzen ez zuelako eta, bestetik, Sobiatar Bata-sunak untziak ordaintzen ez zituelako, bertako krisi ekonomiko larriaren ondorioz.

Arazo horrek ordaintzeko etetera eta langile kopurua murriztera behartu zuen ARN 1991n. Gaur egun kontratuak lortu ezinean dabil untziola hau, besteak beste eskari murriztagatik eta untzigintzaren konkurrentzialtasun eskasagatik, Nerbioi ibaiaren bestaldean lehiakide publiko indartsua duela ahaztu gabe. Orain, Nerbioiko azken untziola pribatua desagertzeko zorian dago.

BILBOKO BURTSA



Aurrikuspenak goibeldu egin ditu Bundesbankenen erabakiak

IBON ALONSO / BILBO

Aurtengo lehen ekitaldian EEBBetan garatzen ari den berreskurapen ekonomikoaren baieztapenak eta Alemaniako interes tasak jaisteko zeuden itxaropenek balore merkatuaren zeinua aldatu zuten. Burttsaren 1993ko indizeak 4,27 puntu irabazi eta 312,6 mailan finkatu zen.



Adituek baikortasunaren aldeko erronka egin zuten, beraien ustez orain baita epe luzerako erabakiak hartzeko une aproposena. Etengabeko merkatuan burtsak % 9,32ko partaidetza lortu zuen 549,6 milioiko akzioen kontratazioa egin ondoren.

Asteartean inbertsoreek bezperako joera errepikatu eta papeira erosteari eutsi zioten, duela hiru asteko baikortasunerantz itzultzeko. Banco de España-k gordailu agiriaren tasari % 13an eutsi zion; hiru eta sei hilabeteko letren errentagarritasuna aurreko mailetan ere ezarri zen.

Bundesbankeko kontseiluak ostegunean egindako urteko lehen bileran interes tasak beren horretan uzteko hartu zuen erabakia inbertsoreen aurrikuspenak goibeldu egin zituen. Eten-gabeko merkatuan bankuen alorreko baloreek tantaketak izan zituzten eta elektrikoetan aipatu behar da Endesaren berreskurapena (pribatizazioari buruzko zurrumurruek eraginda).

Bilbotik bideratutako akzioen kontratazioak etengabeko merkatuaren % 9,57ko partaidetza kuota suposatu zuen. Beste aldetik, Banco de España-k 1,4 bilioi pezetako likidezia sartu zuen bankuen arteko merkatuan, gordailu eta zor agiriaren erosketen bitartez hain zuzen.

Ostiraleko ekitaldian nazioarteko merkatuek galerak izan bazituzten ere, euskal merkatuak emaitza positiboa eduki zuen: indizeak 1,12 puntu irabazi eta gero 317,58an ezarri zen. Igoera bankuen eskutik etorri zen.



○ **BANKUAK:** Banco Bilbao Vizcayak bihurtik hasita akzio bakoitzeko 38 pezetako dibi-dendo gordina banatuko du, 1992 ekitaldiaren kontura. Beste aldetik, Banestok kapitalaren zabalketa egiteko epea etzi irekiko du akzio berri bat 15 akzio zaherrekiko proportzioan, eta parean. Jaulkipen honek kapitala 4.607 milioi pezetan handitzea ekarriko du.

○ **INBERTSIOAK ETA ASE-GURUAK.** Bilboko Burttsaren Zuzendaritza Elkarteak Burttsan geratzen ziren Aurora Polar akzioen kontratazioa bertan behera uztea erabaki zuen, joan zen abenduan iragarritako Akzioak Erosteko Eskaintza Publikoaren (OPA) ondorioz.

○ **KIMIKOAK.** Ostegunean Ercros elkarteko zuzendaritzak bost lantegi itxiko dituztela jakinarazi zien sindikatuei. Bost lantegi hauetako langile kopurua 1.100ekoa bada ere, beste 800en kaleratzea aurrikusten du zuzendaritzak. Bi neurri hauek borondatezko lanuzteak kontuan hartzen ditu eta Ercrosen egitura produktiboa % 50ean gutxituko da.